

Implementasaun Programa Departamentu Lejislasaun iha Trimestre Daruak 2015

Iha trimestre daruak (April-Juñu) tinan 2015, Departamentu Lejislasaun Sekretaria Estadu ba Apoiu no Promosaun Sosciu-Ekonómika Feto (SEM) hala'ó knaar lubuk ida relasiona ho ninia mandatu no ba apoiu departamentu seluk SEM nian.

Kona-ba Abordajen Integrada Jéneru, Departamentu Lejislasaun halao formasaun ba formadór (training of the trainers – ToT) ba Ministériu sira nu'udar SEM nia apoiu ba Ministériu/Sekretaria Estadu sira para bele aumenta sira-nia kapasidade ba implementa Abordajen Integrada Jéneru.

Departamentu Lejislasaun fó apoiu ba Departamentu Ligasaun hala'ó kolokiu (*workshop*) ba Liña-Ministériu sira kona-ba oinsa integra asuntu jéneru iha ida-idak sira-nia Planu Asaun Anuál ba tinan 2015. Workshop ne'e hala'ó ba Ministériu/Sekretaria Estadu walu (8), hanesan: Ministériu Administrasaun Estatál, Ministériu Agrikultura no Peskas, Ministériu Edukasaun, Ministériu Interior, Ministériu Justisa, Ministériu Obras Públika, Transporte no Komunikasaun, Ministériu Saúde, no Ministériu Solidariedade Sosiál.

Ba implementa Planu Asaun Nasionál ba Violénsia Bazeia ba Jéneru (PAN VBJ), Departamentu Lejislasaun hala'ó reuniaun ho “entidade implementador” sira, hanesan: Ministériu Saúde, Ministériu Solidariedade Sosiál, Ministériu Edukasaun, Polísia Nasionál Timor-Leste (PNTL), no Ministériu Justisa. Reuniaun ne'e hala'ó hodi haree fila fali implementasaun PAN VBJ ho objetivu atu halo revizaun. Iha reuniaun ne'e deside katak revizaun sei hein avaliasaun ba implementasaun PAN VBJ ne'ebé sei halo husi peritu espesiál.

Departamentu Lejislasaun fó apoiu ba vítima ida husi asediu seksuál iha Ermera para hetan ninia direitu. Vítima ne'e hetan asediu husi pesoál saúde wainhira hala'ó ninia knaar atende pasiente. Kazu ne'e hetan tiha ona rezaun positivu husi Ministériu Saúde ne'ebé hala'ó sansaun ba pesoál saúde refere. Vítima rasik hetan ona tratamentu médiku no mós apoiu psikososiál husi PRADET.

Atu sensibiliza kona-ba Lei Kontra Violénsia Doméstika ba instituisaun governu, Departamentu Lejislasaun hala'ó apresentasaun ba Sekretaria Estado ba Polítika FOrmasaun Profisionál no Empregu (SEPFPOPE). Iha atividade ne'e, esplika mós konseitu baziku sira para partisipante sira bele kompriende luan tan LKVD.

Atu hakbiit partisipasaun feto iha polítika, SEM fó apoiu ba Asosiasaun Feto Munísipiu iha Timor-Leste tomak, para sira bele prepara feto ba partisipa iha nivel munísipiu. Iha trimestre daruak ne'e, Departamentu Lejislasaun fó apoiu ba Asosiasaun Feto Munísipiu 12 hodi prepara sira-nia dokumentu ba rejistu iha Notariadu Ministériu Justisa. Departamentu Lejislasaun mós ajuda Asosiasaun Feto sira halo revizaun ba sira-nia esbozu estatutu, para Notariadu bele hal rejistu. To'ó fulan Juñu, asosiasaun ida deit mak konsege hetan legalidade liu husi rejistu ne'e, maka Feto Asaun ba Dezenvolvimentu Aileu (FADA).

Atividade kompletu ne'ebé Departamentu Lejislasaun hala'ó durante semestre daruak 2015 mak turi mai ne'e.

Atividade	Objetivu	Parseiru
Reuniaun Entidade Implementadór PAN VBJ	Konsultasaun ba revizaun PAN VBJ	MS, MSS, ME, MJ, PNTL
Integra Jéneru iha PAA 2015	Apoiou Ministériu/Sekretaria Estadu sira prepara PAA 2015 ne'ebé sensível ba jéneru	MAE, MAP, ME, MI, MJ MOPTC, MS, MSS.
Apoiou vítima violénsia bazeia ba jéneru	1. Vítima asediu seksuál ida iha Ermera hetan apoiu husi instituisaun relevante 2. Apoiu vítima violénsia doméstika ida iha Dili ne'ebé ninia kazu iha prosesu Tribunál Distritál	MS AlFeLa
Sorumutu Rede Referál	Identifika obstákulu ba atendimentu kazu violénsia doméstika, inklui kazu inestu	MAI, ME, MS, PDHJ no ONG relevante sira
Aprezentasaun termu referénsia kona-ba avaliasaun ba implementasaun PAN VBJ	Atu hetan komentariu no sujestaun ba termu referénsia	SEM ho UN Women
Aprezentasaun kona-ba LKVD	Sensibilizasaun kona-ba LKVD ba instituisaun governu	SEPFOPE
Aprezentasaun Resoluzsaun N. 27/2011	Esplika impaktu husi remodelasaun governu ba Grupu Traballu Jéneru Distritál	GTJ Distritál sira
Prepara ba Planu Asaun Anuál	Halo draft programa Departamentu Lejislasaun ba tinan 2016	SEM
Apoiou ba Asosiasaun Feto Munisípiu	Prepara dokumentu ba rejistu iha Notariadu MJ	Asosiasaun Feto Munisípiu 8. Foin ida mak hetan legalidade.
Reuniaun Asosiasaun Feto Munisípiu Dili ho Sekretária Estadu SEM	Sekretária Estadu koñese diak liután Asosiasaun Feto Munisípiu Dili	SEM ho Asosiasaun Feto Munisípiu Dili
Partisipa iha enkontru Grupu Traballu Tékniku kona-ba Migrasaun Laboral	Hala'o analiza ba migrasaun laborál	MSS
Partisipa iha seminar kona-ba "Independensia Judisiáriu"	Koñese diak liután kona-ba instituisaun estadu nia kna'ar ba aseguara	JSMP ho partisipasaun husi Tribunál, PN, no MJ

	sistema judisiáriu	
Partisipa iha kolokiu kona-ba hakbiit partisipasaun feto iha polítika nivel lokál	Prepara lideransa feto ba prosesu eleisaun suku iha fulan Outubru 2015	Organiza husi APSCTL ba Asosiasaun Feto Munisípiu sira
Partisipa iha selebrasaun Loron Ambiente	Konxiénsializasaun kona-ba preservazaun natureza no mudansa hahalok ba dezvoltamentu	MCIA
Preparasaun ba selebrasaun Loron Nasionál Feto 3 Novembru	Konsultasaun no koordenasaun ba komisaun organizadora	SEM hamutuk ho ONG parseiru sira
Partisipa iha reuniaun análise ba “Jestaun Rizku Dezastre”	Integra asuntu jéneru iha Dekretu-Lei kona-ba Jestaun Rizku Dezastre	MSS no ONG parseiru sira
Partisipa iha reuniaun ba preparasaun ekipa monitorizasaun programa Hakbiit Ekonomia Feto	Halo avaliasaun ba grupu benefisiáriu husi programa Hakbiit Ekonomia Feto ne’ebé simu ajuda finanseiru husi Fundu Transferénsia Públika	Departamentu Monitorizasaun & Avaliasaun, Departamentu Ligasaun, no Departamentu Lejislasaun
Monitorizasaun ba grupu benefisiáriu husi programa Hakbiit Ekonomia Feto iha Dili	Buka informasaun husi grupu sira ne’ebé iha Lahane, St. Cruz, Bidau no Becora	Ekipa SEM
Partisipa iha Formasaun ba Formadór kona-ba Abordajen Integrada Jéneru	Aumenta kapasidade funsióriu relevantes kona-ba Abordajen Integrada Jéneru	SEM
Partisipa iha diskusaun Fokupers kona-ba feto nia kbiit ba hola-desizaun	Aumenta konxiénsia kona-ba feto nia posizaun iha polítika	Fokupers ho fasilitadór Sra. Bella Galhos
Partisipa iha programa “Nabilan Nia Learning”	Halibur parseiru sosiedade sivil sira, governu no ajénsia internasionál sira atu akumula programa prevensaun husi PAN VBJ	Fundasaun Alola